

Aatsitassarsiorneq Nanortalimmi isertitatigut kivitsisoq

Isertitat 2006-imi nuna tamakkerlugu agguaqatigiissillugit 4,1 pct.-imik qaffariarput. Qaffariarneq Nanortalip kommuniani annertunersaavoq, tamaani innuttaasut agguaqatigiissillugu 8,4 pc.-imik isertitatigut qaffariarnermik misigisaqarmata, ilaatigut guultisiorfimmi Nalunami tassungalu attuumassuteqartuni ingerlatat pissutaallutik. Tamanna 2006-imi isertitat pillugit kisitsisitigut paasissutissat -nit Naatsorsueqqissaartarfiup www.statgreen.gl-ani maannakkut saqqummersinneqartumit takuneqarsinnaavoq.

*Aningaasat
pissutaasinnaasut
annertusiartortut*


Isertitat Akileraaruserneqartussat 2006-imi agguaqatigiissinneri 169.000 kr.-iusimapput, tamanna ukiup siuliani naleqqiullugu 4.1 pct.-imik qaffariarneruvoq. Atuisunut akit qaffannerinut iluarsillugu isertitat naleqassiat 1,8 pct.-imik qaffap-poq. Innuttaasut aningaasat pissusutiginnaasaat 2006-imi taamaalilluni qaffakkiar-torsimavoq.

*Nanortalip kommuniani
qaffariarneq
annertunersaavoq*

Qaffariarneq Nanortalip kommuniani annertunersaavoq, tamaani isertitat agguaqatigiissillugit 8,4 pct.-imik qaffammata. Taamatut malunnartumik qaffariarneq ilaatigut Nalunami guultisiorfimmi ingerlatanit nassuarneqarsinnaavoq toqqaannartu-mik aatsitassarsiarfimmi sulinermit, toqqaannanngitsumillu aatsitassarsiornerup kingunerisaanik ingerlataniit.

Titartagaq 1.

Isertitat akileraaruserneqartussat siuariarneri agguaqatigiissillugit kommuninut ag-guarlugit



*Kujataani nunaqarfinni
siuariarneq anneruvoq*


Illoqarfinni isertitat 4,4 pct.-imik qaffariarput, nunaqarfinnili 3,8 pct.-imik qaffariar-toqarluni. Taakkunani kujataani nunaqarfiit allaanerupput isertitatigut qaffariarneq agguaqatigiissillugu 10,7 pct.-iusimalluni.

*Ivittuuni kommunillu
aggor-nerisa avataani
isertitat
qaffasinnerpaajupput*

Ivittuut Kommuniani aamma kommunit aggornerisa avataanni isertitat agguaqatigiissinneri qaffasinnerpaajusimapput. Taakku tassaapput Kangilinnguani Sakkuutoqarfik aamma Pituffik, taakkunani innuttaasut agguarnerisigut sulisoqarnikkullu pissutsit nunap sinneranut naleqqiullutik nalinginnaasuunngimmata. Kommunit sinnerini, innuttaasut katitigaanermikkut nalinginnaasuunerusuni, isertitat kommunini anginerni kommuninit mikinerusunit nalinginnaasumik qaffasinnerupput. Nuup Kommuniani isertitat kommuninut allanut naleqqiullugit annertuumik qaffasinnerupput, Ivittuut Kommuniani innuttaasut agguarnerisigut sulisoqarnikkullu pissutsit nalinginnaasuunngitsut eqqaassanngikkaanni.

Titartagaq 2.

Iseritat akileraaruserneqartussat agguaqatigiissinneri kommuninut agguarlugit



*Nunaqarfinni illoqarfiillu
akornanni isertitat
annertuumik nikingasut*

Iseritat agguaqatigiissinneri illoqarfinni 177.000 kr.-iusimapput nunaqarfinni 98.000 kr.-iusimasut, s-suaq ilanngullugit naatsorsuutigineqanngippata. Iseritat qaffasinneri taamaalilluni illoqarfinnut naleqqiullugu nunaqarfinni 45 pct.-it missaannik appasinnerupput.

*Kisitsisitigut paasissutissani
ataasiakkaani
naatsorsuinermit
tunngaviit allanngorneri*

Iseritat pillugit kisitsisitigut paasissutissat annertunerusumik ataqatigiinnerulersimakkumallugit pitsaassusiilu nalinginnaasumik qaffatsikkumallugit kisitsisitigut paasissutissat ilaanut naatsorsuinermit tunngaviit allanngortinneqarsimapput. Piffisami kinguarluni saqqummiussatigut assersuussisoqartillugu allannguinerit pineqartut tunngavigalugit kisitsisit ukiut siuliineersut iluarsineqarsimapput. Kisitsisinik siusinnerusukku saqqummiunneqarsimasunik assersuussisinnaaneq taamaattumik immikkoortuni arlalinni ajornarpoq.

-imi isertitat pillugi kisitsisitigut paasissutissat pdf-filinngorlugu saqqummiunneqarnerat Naatsorsueqqissaartarfiup nittartagaani www.statgreen.gl-imi aaneqarsinnaavoq imaluunniit Naatsorsueqqissaartarfimmi pissarsiarineqarsinnaalluni.

*E-mailikkut
pisartagaqalerit*

Naatsorsueqqissaartarfiup nittartagaatigut saqqummersinneqartartunik kisitsisitigut paasissutissanik nutaanik siunissami ilisimatinneqartarusukkuik elektronikkkut nutaarsiassanik pisartagaqalerumallutit nalunaarsinnaavutit: www.statgreen.gl-imut iserit. Qinigassani saamerlermi siunissami kisitsisitigut paasissutissanik nutaanik saqqummiussigaangatta e-mailikkut ilisimatinneqartalissaatit.

Annertunerusumik paasisaqarusukkuut kisitsisitigut paasissutissat pillugit siunnorsortimut Søren W. Børgeesen-imut oqar. 36 23 78 (toqqaannartoq) imaluunniit e-mail swbo@gh.gl-imut saaffiginnigit.

Ikinngutinnerusumik inuulluaqqusillunga

Søren W. Børgeesen
Kisitsisitigut paasissutissat pillugit siunnorsorti